

## **Nuutsbreef , april/mei 2021**

*Bèste Veldeke minse,*

### **1. Wie lang nog thoes...?**

Nao de verlènging van de maotregule haetj 't bestuur noe ouch beslaote det de volgendje activiteite neet door gaon:

-Thema-aovendj äöver de Selfkantj (woor geplandj vöör 10 juni)

-Oos jaorliks oetstepke op 10 juli.

-De zomeraovendj in... (op 27 augustus); zelfs es in augustus al weer get mäögelik is, dees activiteit vreug langere vöörbereidingstied.

Vanaaf september haope w'r weer 'ne vöörzichtige opstart te kenne make. En w'r haope uch den ouch weer allemaol te treffe. Veldeke blijft dus nog thoes, mer neet achter de geraniums: Haodj uch 'n bietje actief, zoawaal lichamelik es geestelik. Noe w'r gein gezamelike activiteite kenne haoje, zeuke w'r nao anger mäögelikheje óm uch regelmaotig get äöver dialect en cultuur in Limburg te laote huuere. (Laesj ouch hie ónger bie 3.)

### **2. Veldeke Bekèt.**

Doordet in de achterligkendje maondje gein activiteite wore, zeen d'r ouch gein verslage, gein foto's enz. Det geuf nuuj mäögelikheje vöör 't Veldeke Bekèt. Meistal is dao-in mer beperktj plaats vöör vööl gedichte of get langer verhaole. Noe kan det waal!

Mer dao höbbe w'r ouch uch bie nuuedig.

W'r nuuedige uch oet zelf gesjreve stökskes in te sture vöör 't nummer waat in juni versjientj. Neet twiefele; probeertj 't èns. Äöver de spelling hoof nemes zich drök te make; weer kieke det waal nao. Höb g'r 'n passendje foto bie verhaol of gedich, det kan ouch. Of mesjien 'n foto mit 'n verhaol d'rbie? Waal gaer digitaal aanlevere.

Alles te sture nao: [tvandwegberg@ziggo.nl](mailto:tvandwegberg@ziggo.nl), es det kan vöör 15 mei.

### **3. Wanjele.**

Woróm doontj g'r det neet same? Reageerdje emes nao de opreup in 't lèste Veldeke Bekèt óm de poëziewanjelinge nog èns te loupe. Dao zitj natuurlik get in, mer det kan pas es w'r ós weer es groep moge treffe. Mesjien nao de zomer? Den zólle w'r 't same loupe van ein van die poëziewanjelinge weer perbere te organiseren. Hooftj uch d'r neet van te weerhaoje óm op eigen gelaegenheid dit vöörjaor al èns op paad te gaon. 't Beukske "Poëziewanjelinge" geuftj de routes aan en foto's van de locaties. De gedichte kèntj g'r dao zelf bie laeze!

### **4. Kiktj èns op oze website [www.veldekekrinkech.nl](http://www.veldekekrinkech.nl).**

Noe w'r gedwóngne mieë thoes zeen es anges, d'r minder of gein activiteite zeen bie Veldeke mer ouch bie anger vereniginge en clubs, gein sporte, minder winkele enz. enz. is d'r wellich 'ns tied op oze website te kieke. Woróm? Ómdet dao altied 't lèste nuuts van de Veldeke Krink te vènje is.

Mer daonaeve ouch 'n aantal speciaal rubrieke, die de meujte waerd zeen óm te bekieke äöver "Oos taal" en Projekte VKE.

En neet te vergaete de rubriek "archief" wo m'n informatie kan vènje äöver de historie van oos vereniging.

Op dit momènt höbbe w'r de indrök det nao oze website mieë weurtj gekeke door minse van boete aaf, die gein lid zeen, es door eige leje. Det make w'r op oet de reacties.

En laot ós èns wete waat g'r d'rvan vèntj.

### 5. Verhaole Project.

Wie g'r w'rsjienlik al in 't Waekblaad höbtj gelaetze, staon noe al mieë es 50 verhaole te beloestere op de website. Sinds kort kèntj g'r daobie ouch aangaeve es g'r eders kieër d'r aan herinnerdj wiltj waere es dao 'n nuuj verhaol stuitj. Ónger de sorteer-opties van de verhaole kénne (vaste) loesterieërs hunne naam en e-mailadres opgaeve. Den óntvangtj g'r 'n berichske es get nuuts is. Ónger aan deze Nuutsbrief kèntj g'r zeen wo det te vènje is.

*Mer vääor alles,*

*Blijftj allemaol gezóndj,*

*Ton van Wegberg, vääorzitter*

### Sorteren

---

Titel (A-Z)

Titel (Z-A)

Datum (Eerst toegevoegd)

Datum (Laatst toegevoegd)

  

### Loesterverhaole in dien mailbox

---

Voornaam

  

E-mailadres: